



29. marts 2022

Inatsisartut ingerlatsinermut maleruagassaasa § 37 imm. 1 tunngavigalugu Naalakkersuisunut ukuningga apeqquteqaateqarpunga:

- 1. Naalakkersuisut Siulittaasuata Naalakkersuisunut ilaasortanut erseqqissaatiginiarnerpaa, paasissutissat, Naalakkersuisunut ilaasortat ataatsimiititalianut pissariarusutatik, ataatsimiititaliamut piniarneqartassanersut, ataatsimiititaliap siulittaasuanut, ataatsimiititalianilu ilaasortanut ataasiakkaanut ingerlatinnagit?**
- 2. Naalakkersuisut Siulittaasuata Naalakkersuisunut ilaasortanut erseqqissaatiginiarnerpaa, ataatsimiititaliani siulittaasut, ataatsimiititaliakkoorteqqaarnagu allaffissornermut tunngasunik paasissutissanik, ataatsimiititaliat pineqartut Naalakkersuisunut nakkutilliinerminni, piniartarnerat, Inatsisartut ingerlatsinermut maleruagassaasa paragraffii 36-37-mi aalajangersarneqartunut innersuunneqartariaqarnersut?**
- 3. Naalakkersuisut Siulittaasuata isumaqarpa, pisariaqartoq maleruagassanik aaliangersaasoqarnissaanik, imaluunniit maleruagassanik pioreersunik sukaterisoqassanersoq, Naalakkersuisunut ilaasortat susasaqarfimminni SMS-ikkut inuit oqallittarfiini saqqummiussat nalunaarsorneqalernissaannut?**

(Inatsisartunut Ilaasortaq Anna Wangenheim, Demokraatit)

Tunngavilersuut

Inatsisartut ataatsimiititaliaasa sulineranni tunngaviusumik atuuppoq, ataatsimiititaliamut suliasat tamarmik ataatsimiititaliap ilaasortaanut ingerlatinneqartarnerat. Tamannaluuna tunngavigalugu Inatsisartut nittartagaanni maleruagassani allassimasoq, ataatsimiititalianut saaffiginnissutit ataatsimiititaliamut ingerlatinneqartassasut – ataatsimiititaliap siulittaasuanut ingerlatinneqartatik.

Taamaaliornikkut aammattaq qulakkeerneqartarpoq, saaffiginnissutit Inatsisartut allaffeqarfianit nalunaarsorneqartarnerat maleruagassat atuuttut malillugit.

Pisoqartilluguli, Naalakkersuisut ilaasortai ataatsimiititaliaq avaqqullugu tusagassiuutitigut oqallineq tunngavigalugu ataatsimiititaliap siulittaasuinut ilisimatitsisoqaraangat, ataatsimiititaliap Naalakkersuisut suliaannik nakkutiginninneranut tunngassuteqaraangat, taava tunngaviusumik malitassanut ajornartorsiut pilersarpoq:

Soorlu assersuutigalugu aalajangiiffigisassatut suliaq Naalakkersuisunit ataatsimiititalianut ilisimatitsissutaasusaaq ataatsimiititaliap ilaasortaanut nipangiussisussaataaerermik piumasaqaataasarpooq, ilisimatitsissut paasissutissanik oqaatigeqqusaanngitsunik imaqartillugu. Akerlianilli taamaattarani Naalakkersuisunut ilaasortamiit ataatsimiititaliat ilaasortaanut ataasiakkaanut taamatullu ataatsimiititaliat siulittaasuinut paasissutissiisarnernani.

Paasissutissat, Naalakkersuisuni ilaasortamiit ataatsimiititaliamut ingerlanneqartut, ministerip akisussaaffiata ataaniippoq. Akerlianilli taamaattassagunarani paasissutissanut, Naalakkersumit ilaasortamiit



ataatsimiititaliap ilaasortaanut ataasiakkaanut, taamatullu ataatsimiititaliap siulittaasuanut (§ 37-apeqqummut akissutaasimangippat).

Ajornartorsiutit tunngaviusut minnerulissanngillat, ilisimatitsissutit SMS imaluunniit inuit attaveqartarfiatigut soorlu assersuutigalugu Messenger-ikkut pisimappata. Tassani apeqqutaalerpoq, nalunaarsuisussaataitanermut malittarisassat tamanillu allagaatinik takunnissinnaatitaanermut malittarisassat qaqugukkulluunnit malinneqartussat qulakkeerneqassappata.

Ingerlatsinermut maleruagassap § 14, imm. 2, aamma § 19 malillugit, ataatsimiititaliap Naalakkersuisut nakkutigisussaavaat ataatsimiititalianut apeqquteqarnermikkut, isumasioqatigiinnikkut ilisimatitseqatigiillunilu ataatsimiinnikkut. Inatsisartunut ilaasortat ataasiakkaat Naalakkersuisut §37-apeqquteqarnermikkut nakkutigisarpaat aamma §36-apeqquteqarnermikkut. Tassa taakku sinaakkutit, Inatsisartunut ingerlatsinermut maleruagassap aaliangersagai.

Naalakkersuisut isoriuminaapput, ataatsimiititaliami siulittaasut namminneerlutik Naalakkersunut ilaasortanut saaffiginnippata paasissutissanik piumallutik – isumaqarpungali, Naalakkersuisut ataatsimiititaliallu soqutigisaannut naapertuunnerusoq, Naalakkersuisut tapersersuerususeqarpata, ataatsimiititaliat suliai ataatsimiititaliami ingerlanneqassasut, aammalu ataatsimiititaliani siulittaasut, ataatsimiititaliaq avaqqullugu, paasissutissanik piniarnissaminnut, tamannalu sinaakkutit atuuttut iluanni pissasoq, ingerlatsinermut maleruagassap §§ 36-37 aqutigalugit.